

佛說八大人覺經講義 (四)

寬如合撰
榮如合撰

次釋譯題

後漢安息國沙門安世高譯。

『後漢』：是譯經之時也，對前漢言，高祖名後漢，桓帝建和二年來此，住二十餘年，通中文，譯經有三十九部，一百七十六卷。『沙門』：此云勤息，謂勤修戒定慧，息滅貪嗔痴。

『安息國』：波斯之古王國，名寄史記，大宛列傳，後漢西域傳此國古時強盛，而安世高，安玄，曇無讖，安法欽，先後來此事跡，在高僧傳初集中極詳。

安清字世高，安息國王正后之子，幼勤孝，性聰敏，當嗣位讓國於叔而求出家，博曉經綸，七曜五行，醫方異術，無不綜達，既而遊方徧歷諸國，行見羣燕，忽謂伴曰：燕云應有送食者。頃之，果有送致焉，漢桓帝建和二年來到中夏，通習華言。宣譯佛經三十九部，凡一百三十六卷，窮盡理性，自識業緣，多有神迹，自稱先身經已出家，有一同學多嗔，層諫不改，如此二十餘年，乃與辭決云：我當往廣州畢宿業之對。既而適廣州。路逢一少年，垂手拔刀，乃延頸受刃無懼，少年殺之，觀者駭異，已而神識還爲安息王子，今來遊化，度昔同學。帝建寧四年，關絡擾亂，乃附舟過蘆山，行達邽亭湖，有乞神竹者，未許輒取，航即覆沒，竹還本處。廟神極靈，能分風送往來之舟，會同旅三十餘船，奉牲請福，神降祝曰，舟有沙門，請來入廟，告高曰：「吾昔與子出家學道，好行布施，而性多嗔，今爲邽亭湖廟神，此湖千里皆吾所轄，壽盡旦夕，當墮惡道，有絹千疋，并雜寶物，可爲立法營塔，使生善處。」高向之梵語

數番，即取絹物辭別，便達豫章，遂以廟物爲造東寺，名曰大安，乃江淮寺塔之始也。暮有少年長跪高前，受其咒願，高謂衆曰：向之少年，即邽亭廟神，得生善處，離醜惡形矣。後於山西澤中見一死鱗，頭尾數里，（今潯陽郡大蛇村是）。高後復到廣州尋前害己少年，時少年尚在，高投其家，說昔日償對之事，歡喜相向。謂云：吾有餘報，今當往會稽畢對，廣州客悟高非凡，豁然意解，追悔前愆，厚相資供，隨高東遊，遂達會稽，至便入市，正值羣鬥，誤傷高首，應時殞命。廣客類驗二報。遂發心出家，精勤佛法，弘傳八大人覺經，具說世高事緣，遠近聞之，莫不歎服，所以經云：「假使百千劫，所作業不亡，因緣會遇時，果報還自受」。因果定律，絲毫不爽，是知業緣果報，如影隨形，如谷答响而衆生昧於因果埋頭造業，千萬劫生死輪迴，可勝浩歎，衆生無始，及今生造無量重罪，即有無量債主，一一酬還，償之不盡。故普賢云：「假使罪業有形相者，盡虛空界不能容受」。如來大慈，愍諸衆生，特開淨土之門，使帶業往生。

譯者，易也。易梵文爲華文，是爲譯義。

此經文簡義週，似有正宗而無序、通。但以義證，仍然具足甲初、序分：：爲佛弟子，常於晝夜，至心誦念，八大人覺。

二、正宗分——從第一覺至第八覺後，捨離五欲，修心正道止。

四、流通分——若佛弟子，誦此八事，至文竟。

今初序分——此屬別序，以明發起，並總標其名，非如諸經，通序，具六種證信也，（一、法體，二、能聞，三、機感，

四、教主，五、處所，六、同聞。蓋佛法初來，順此方文體，貴在簡畧故。

爲佛弟子，常於晝夜，至心誦念，八大人覺。

此經八大人覺，是諸菩薩學佛之基礎，故不待請問而自說。

文有四句：初句指定受持此法之人，特意作成曰『爲』。妙佛果成曰『佛』。學在師後曰『弟』，解從師生曰『子』。

覺子亦有通別，通論凡皈依佛，不論僧俗凡聖，皆名佛子，別論有六位不同：一、本性，二、名字，三、觀行，四、相似，五、分證，六、究竟。

一、本性佛子者，衆生皆具佛性，人人皆有成佛可能，故無論信與不信，分屬佛子，本性既同，終必成佛，故曰本性佛子。

二、名字佛子者，皈依佛以佛爲師，更不皈依邪魔外道。皈依法以佛法爲師，更不皈依外道典籍。皈依僧，以僧寶爲師，更不皈依外道徒衆。皈依三寶已，即名佛弟子。當顧名思義依教奉行，是名字佛子。

三、觀行佛子者，既名佛子，當作佛事，學佛因行，方爲眞佛子。應常聞經法，思維經中所詮教，理、行、證，而修行。依聞思修三慧而觀行，觀行功深，煩惱自伏，智慧日增，是名觀行佛子。

四、相似佛子者，既依教悟理，稱理起行，從行契理，精進行道日久功深，粗惑自落，六根清淨，是名相似佛子。

五、分證佛子者，功用無間，任運自如，分破無明，分證法身，即分證法身。

六、究竟佛子者，若破四十一品無明，生相未盡，居等覺位，能辦大佛事，究竟如佛，是名究竟佛子。若四十二品無明，究竟淨盡，徹法底源，洞達實相邊際，究竟成佛，不名佛子，此中通指六位別指名字，觀行，相似，三位之佛弟子。

『常於晝夜』者，明工作時節，恒年終歲，晝夜六時，盡形無間也。

『至心誦念』者，眞誠至極，爲法專精，故云『至心』。對本曰『讀』，背本曰『誦』，憶持曰『念』，此中攝禮拜供養。『八大人覺』者，明所行之法，爲佛子者，當誦佛之言，體佛之心，行佛之行，覺佛之覺，希佛其庶幾矣，否則曷堪爲佛子耶，我等無始習氣深厚，若無恒心，道業難成，一曝十寒，終無實益。否則正如所謂『菩薩初發心，魚子菴羅花，三事因中多，及其結果少』也，故至心誦念者，明其專精，至誠，諸佛皆因此而證道。佛子若欲成佛，當恒誦此八大人覺，熟解文義，領悟旨趣。依此覺法自覺覺他，圓成佛道，方名眞佛弟子也。

甲二、正宗分二： 初、正說 二、結成

乙、初說、八

丙、初、覺無常苦空，無我不淨，去四迷倒。

二、覺少欲無爲，去貪欲迷。

三、知足修慧去多求迷。

四、覺知常行精進，去懈怠迷。

五、覺知多聞智慧，去愚痴迷。

六、覺知平等布施，以去慳貪迷。

七、出家梵行覺，去塵勞欲染迷。

八、大心普濟覺，去耽空着有迷。

丙今初、

第一覺悟世間無常，國土危脆，四大苦空，五陰無我，生滅變異虛僞無主，心是惡源，形爲罪藪，如是觀察，漸離生死。

此爲入道之初階，破我法二執之導引也，良由凡夫我法二執偏重，妄執四大幻形是我身，六塵緣影是我心，無常國土是我所有，故對於人生觀只求享受，名聞利養，念念奔馳，不至計窮壽盡，未肯罷休，是不知四大苦空，五陰無我耳，對於宇宙觀，唯欲繁榮，運籌握算，圖強己國，欲佔他邦，蠶食不已，至有兩次大戰之爭，全無和平世界觀念，此非科學，電子，原子，核子，氫氣，之所能救，反資導火線，是不知世間無常，國土危脆耳。

(未完)